

嘉靖寧夏新志

嘉靖寧夏新志

寧夏新志卷之七

文苑詩

賀蘭大雪

慶靖王凝真

北風吹沙天際吼雪花紛紛大如手
青山頃刻頭盡白平地須臾盈尺厚
胡馬迎風向北嘶越客對此情淒淒
寒疑氈帳貂裘薄一色皚皚四望迷
年少從軍不為苦長戟短刀氣如虎
丈夫志在立功名青海西頭擒薊
普君不見牧羝持節漢中郎
噉氈和雪為朝糧節毛落盡志不改
男子



當途須自強

登宣秋樓

亭臯木落水空流
隴首雲飛又早秋
白草西風沙塞下
不堪吟倚夕陽樓
樓頭悵望久躊躇
目送征鴻向南去
黃沙漫漫日將傾
總是江南客愁處

黃沙古渡

黃沙漠漠浩無垠
古渡年來客問津
萬里遙夷朝

帝闕一方冠蓋接
咸秦風生灘渚波
光渺雨打汀洲草
色新

西望河源天際闊濁流滾滾自崑崙

晚登五州樓

炊煙幾處起荒城柳外遊絲百尺縈把筆登樓謾回顧夕陽流水總關情

麗景園冬日步王忍辱韻

澤水未見腹全堅溶洩流漸瀉冷泉水落易窺行客徑風寒難棹釣魚船人間世外由來別塞北江南自昔傳十載邊城行樂處優游聊以度流年

總兵營

故壘荒餘草漸平
路人猶識總兵營
旌旗寂寞埋金甬
風雨還疑鼓角聲

永樂二年春祭社稷山川禮成

受

命分茅土萬里藩西疆
肅州夏州路移徙不少
康封內群山川八載紀
典荒社稷祈報禮非余
獨敢忘但為移徙中以致久不遑永樂當年

尊兄今天王大明御寰宇負宸理乾綱念茲群神祀春秋事
有常禮固不可闕

勅命築壇場修舉父廢禮為民祈福祥仲春擇吉日二祀思
神饗禮樂既蕪備肥腍烹豬羊諸公倍祀者珮玉聲鏘鏘
燈火明煌煌載拜望景光三獻禮初陳牲醴列馨香祀神
冀來格非徒歌樂章屏息俯如待如臨氣洋洋所願風雨
時秋收足千倉愧予方幼年才薄德又涼自慙忝王爵寧
有此一方受昨飲福酒不肖豈敢當尚賴諸賢執事事為

不寧集卷七
三
替襲昧爽行禮畢享酢飲公堂珍羞具前列百味羅芬芳
大事在祀戎豈可令德爽善惡二途間降乂有福殃飲罷
為三思戰慄復恐惶

古塚謠

安塞王樗齋

賀蘭山下古塚稠高下有如浮水灤道逢古老向我告云
是昔時王與侯當年拓地廣千里舞榭歌樓競華侈強兵
健卒長養成眇視中原謀不軌豈知瞑目都成夢百萬水
冠為祖送珠襦玉匣相後先簫鼓聲中雜悲慟世更年

遠迹已陳由齋縱存猶路人麥飯疇為作寒食悲風卷
吹黃塵惟鵲薄暮喧孤樹四顧茫然使人懼天地黯慘愁
雲浮遙想精靈此時聚君不聞人生得意須高歌芳樽莫
惜朱顏酡百年空作守錢虜以古視今還若何

塞垣秋思

炎威渾幾許物色釀秋情楊柳和煙淡蕪蕪感候鳴遠山
新黛掃初月玉鉤橫愧乏安仁思援毫賦未成

和張都憲夏日遊麗景園

東郊長夏草初薰
霽景偏宜曙色分
官樹倚天張翠葆
好花傍檻閃紅雲
舟移蘭棹波光蕩
宴列紅亭樂調聞
芳歲昔人何易去
尊前莫問夕陽曛

觀黃河

西來天塹隔遐荒
雪練橫拖若沸湯
兩岸浪花時噴薄
一行棹影遠微茫
負圖龍馬人文著
取石星槎歲月長
欲對秋風重弔古
無情隙景易斜陽

高臺寺八韻

蘭皋秋容

西山佳致最宜秋。疊巘峨峨映遠陬。涼雨一番通夕過，翠嵐千頃接天浮。落霞孤鶩斜陽淡，錦樹西風暮景幽。我輩韜光惟謝客，招賢誰賦桂枝樛。

大河春浪

河流險閼赫連都。雪練無窮若畫圖。雨溢晴波洪渺漭，風搖細浪遠模糊。魚龍隱隱乘時奮，樓堞依依倒影孤。壯志曩能同博望，遡流取石訪牛夫。

廢壘寒煙

目極頽垣落照邊
伯圖寂寞慘寒煙
淒淒半混蒼痕合
漠漠遙分野色連
啼鳥不知亡國恨
晚花猶乞過人憐
強兵戰勝今何在
贏得虛名入史編

漁村夕照

村居多以漁為業得采歸來喜不窮
黃柳巧穿行斷續
綠蓑斜倚語從容
蕭蕭岸草歸時日
獵獵江蒲怯勁風
共易清醺沉醉後
回看斷壑夕陽紅

渠上良田

天塹分流引作渠一方擅利漑膏腴魚遊淺碧東風細花
漲殘紅暮雨餘千頃良田憑富貴萬家編戶獲安居九陽
任爾為驕客稔歲何妨史氏書

莊前叢柳

田家植柳護衡門到處青青入望頻媚眼多情眠白晝纖
腰無力舞黃昏卑枝不聽流鶯語僻地難招望帝魂眠叟
不關興廢事密陰深處戲兒孫

古寺晨鍾

曙鷄三唱月將沉
早聽鯨聲出紺林
吟國使興催馬足
祝鰲僧集振潮音
一言洞顯直機熟
九地潛資滯鬼深
最是河西征戍客
幾人聞此碎鄉心

秋郊晚笛

碧天西壁掛斜陽
郊野淒風作嫩涼
秋色滿前橫莽蒼
笛聲何處助悠揚
駸駸載道征駒驟
蕭蕭投林倦鳥翔
獨有望鄉遷客苦
梅花落處斷柔腸

將至寧夏望見賀蘭山

大學士金幼孜

匹馬何時出

帝關今晨初見賀蘭山
風沙近塞居人少
斥候連雲邏卒閒
白海堆鹽封磧外
黃河引水注田間
邊城按堵全無警

聖德于今徧百蠻

至寧夏

駙騎初秋別

帝京使旌今喜至邊城
衣冠盡向花前合
車馬還從柳外迎

藩府感

恩心倍切

朝廷冊命禮非輕極知白首蒙

恩遇謬忝皇華愧老成

出郊觀獵至賀蘭山

賀蘭之山五百里極目長空高挿天斷峯迤邐煙雲瀾古
塞微茫紫翠連野曠旌旗明曉日風高鷹隼下長川昔年
替偽俱塵土猶有荒阡在目前

塞垣秋興

承廣

見流寓

江山如畫幾興亡
天際秋雲自夕陽
栗里陶潛書甲子
長沙賈誼愛文章
鴈將南去驚寒意
菊爲誰開作晚香
不有醉狂書爛熳
老懷何處問時光

梅所

客以梅爲所移
梅取次栽花枝
向南發山色自西來
清影孤窓月黃昏
一酒不楊州有何遜
東閣待誰開

賀蘭九歌

潘元凱

見流寓